

Mithidh th'athdhúsgadh, a Aodh

[NLI G 167,164]

[see 'A Poem Book of the O'Donnells', Tomás Ó Cléirigh, *Éigse* 1 (1939) 51-61, 130-42; poem 48]

Uilliam Og [Mac an Bhaird] bheós do chum so don fhior cheadna.

[Deibhidhe, Dán Díreach]

- 1 Mithidh th'athdhúsgadh a Aodh
féch trath thort ar gach entaobh
nach nár libh innel an fhuinn
sibh i n-immeal chlair Conuill.
- 2 Gabh iomad éir[i]gh(e) a-mach
córa dhuit colladh corrach
an clar oraibh da egra [leg. eagar?]
tobhaigh madh áil th'airleagadh.
- 3 Eirigh tráth tógaibh do cheann
daingnidh do dhoire gérréann
nocht do rélta móir meirgi
ar [leg. as?] cóir denta díbheirgi.
- 4 Ni as faide na bi i mbriocht [leg. mbrios?]
srol maoth far mheinic aithios
a chlódh as gad im ghaineamh
lór a fhad gur hosgaledh.
- 5 A mh[e]ic Mághnais ni modh linn
a fhad a-taoi in bhar ttoirrchim
a chrithir do chaoir curadh
dhaoibh as mithidh músgaladh.
- 6 Mairg tug le gríosadh do ghruadh
oraibh éirghe as do chédsuain
a chraobh dar ccoill-ne as fosgadh
mas doilghi a Aodh th'athmhosgladh.
- 7 Acht go ccluine a ccanaim ruibh
ge trom do thoirrchim coduil
an úaisli bhéraidh bedhgadh
geabhaidh uaim-si an t-imdheargadh.
- 8 An aithne dhuit dáil na ccon
a Aodh na heisd red bhrosdadh
feirrde cú maith a máoidheamh
ni maith clú gan craobhsgaoileadh.
- 9 Biaidh fad thoirrchim re treimsi [165]
da ccluintéa-sa a ccluimim-si
do ghruadh ar ghné na corcra
suan mar é ni hionmholta.
- 10 Do budh mó na mithidh dhuit
a mheic Mághnais mhúir Cormbaic
musgladh as bhar ttoirrchim trom
brosdadh it oirchill agom.
- 11 Aicme Cheallaigh Chláir Mhaine
is saorchlann Bhriain Bhóraithe

- decair tocht uadh go hiomlán
fád shuan ort ag aithiomrádh.
- 12 Síol nGearailt na ngruadh solus
os libh iad gan amhorus
beir beadg as do shásadh suain
fásadh th'fearg et th'anbhuaín.
- 13 On cco[d]lladh trom-sa a-tá ort
fine Ruairc, rioghradh Connocht
guais nach biadh ot bharr coduil
sa[n] rann riamh a rabhadar.
- 14 Ni as faide na biodh do bháidh
re siol Neill nós an leamháin
cuir an t-each ar bhar n-aghaidh
do leth don fhuil Eóghanaidh.
- 15 Do-chuala ar Chonn mac Úna
sgél as ádhbhar iontnúda
fa bhrosdadh druadh mar do dhligh
fa thuar cosga(i)r don Choinn-sin.
- 16 D'ionnsaigheadh Cuinn cian o shoin
tig file Feilim Reachtmhair
turas do uaisligh fonn Fáil
Conn an uair-sin ag iomáin.
- 17 "Creid uaim a n-innisim dhaoibh
gén go n-aithne mé a mhacáóimh
acc so an té or sloinneadh sinn
as mé dob ollamh d'Féilim."
- 18 "Mo ghríosadh as gabhtha dhuit
a Chuinn na ccéimeann n-orrdhuirc
as diombaidh ar mbuaidh do bheith
do-chuaidh an iomain d'éinleith."
- 19 "Dhuit as córa clár Temra
da ttuigthea as dál dóimhenma
a bhranain Temhra na ttreabh
gabhail sealbha bhar sinnsear."
- 20 "Na fuilng(e)[i]dh flaithes Temhra [166]
ag féin Laighen loinneardha
drong ionáigh as férr d'faltaibh
tionail it chenn Connachtaicch."
- 21 Comhairle do chan an fádh:
"tabhair ar cholg do chomán
le ferrdhacht gabhaidh an gort
tabhair leanbhdacht ar laochdhacht."
- 22 Tonn mhenma san macaomh óg
do chuir comhrádh an druadh-ód
gur bhuaíl fonn Temhra nir thill
a thon mhenma mar mhínlinn.
- 23 Temhair Chobhthaigh cúirt a shean
Conn tre chomhairle an fhileadh
ina seilbh fa a tuairim téid

- mar luadhail leinbh a leithéid.
24 Táinic do thegasg an druadh
's do Chonall Cruachan cranrúadh
tachar Cuinn re Cathaoir Mór
do thuill tatháoir da thromshlógh.
25 Fódla na bfiodhbhadh sgathach
mar do fhóir Conn Cédchathach
a ghéag tharaidh do chrú Cuinn
da cabhair as tú as tualuing.
26 Cosmhuil a Aodh th'aignedh grinn
re cheile is Conn mac Féilim
re a amhsaibh i n-ucht faghla
cosmhuil do lucht leanamhna.
27 Uaim a Aodh mar as eol dam
cred nach geabhtha do ghríosadh
dóigh lem damadh sine sinn
nacharb feárr file Féilim.
28 Tuig a Aodh a n-abruim ruibh
dob é adhbhar ar n-urchair
neimhshén cosga(i)r ris an ccloinn
fa bhrosdadh chenél cConoill.
29 Róimh ni rangadar a leas
a mbrosdadh d'fuighlibh éicceas
ord gaisgidh i bfiadh Fánád
riamh fagín a bfiornámhad.
30 Iomdha ag laochraidh leithe Cuinn
dhíot ar ndenamh I Dhomhnaill
da gach taoibh oir[i]chil(l) ort
as roimhithidh dhaoibh dusocht.
31 Na treig clú cennais fedhma [167]
'na shúan ni thig tigherna
treig súantathamh et síth
léig(h) ar chuartachadh coigcríoch.
32 Gurab duille as dion duit-si
dhaoibh gurab fleadh fíoruisge
fúibh narab leaba lúighe
leaba clúimh no choilcthíghe.
33 On tráth fa n-éireocha Áodh
as terc duine acht a dhearbgháol
sluagh Gaidheal os da lúadh linn
aoinfhear 'na shuan ni shaoilim.
34 Fáth a shuain cuirfead a cceill
geabhad leithsgél i leithNéill
ciall toirrchim fhada í Earca
oirchill aige ar fháidheachtra.
35 Tre mhac Síubhain slat os coill
da bfiucha fíonfhuil Conuill
tuar coinghleaca re cloinn Neill
na croinn oirdherca a haonfhéimh.

36 Griosaadh Aodha ar aithris Cuinn
ithir uasal chlann cConuill
síol ní fhuil isin ithir
don fhuil riogh as romhithidh. Mithidh...